



Verwysing: 20210802-4783
Lêerno.: 13/11/2
Navrae: SL Willoughby

Eksamenadministrasieminuut: 0010/2021

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore), Hoofonderwyskundiges, Hoofde: Kurrikulumondersteuning, Kringbestuurders, Hoofde: Bestuur en Beheer, Adjunk-hoofonderwyskundiges, Assesserings- en eksamenkoördineerders, Vakadviseurs en Hoofde van opvoedkundige inrigtings wat kandideer vir die Nasionale Senior Sertifikaat-, Senior Sertifikaat-, en Onderwys en Opleiding vir Volwassenes Vlak 4-eksamens voorberei

Onderwerp: Verpligte opleiding vir alle prinsipale, hoofopsieners, senior opsieners en distriksbeampies wat in 2021/22 by die afneem, administrasie en bestuur van die NSS-, SS- en OOV Vlak 4-eksamens betrokke is

1. Ingevolge die *Regulasies betreffende die Afneem, Administrasie en Bestuur van die Nasionale Senior Sertifikaat-eksamen*, gepubliseer in *Staatskoerant* 37651 van 16 Mei 2014, moet die provinsiale departemente van onderwys toesien dat alle opsieners behoorlik opgelei word om die Nasionale Senior Sertifikaat (NSS)-, Senior Sertifikaat (SS)- en Onderwys en Opleiding vir Volwassenes (OOV) Vlak 4-eksamens ingevolge huidige beleid af te neem.
2. Alhoewel opleiding vanaf 2014 tot 2020 verpligtend was, is verskeie administratiewe en gedragsmisdrywe en oneerlike wandade geïdentifiseer en gedurende die NSS-eksamens in 2020 aangemeld. Dit toon duidelik dat dit noodsaaklik is dat opsieners en prinsipale vir die 2021 NSS-, Mei/Junie 2022 NSS- en SS-, en die 2021/22 OOV Vlak 4-eksamens opgelei moet word.
3. Opleidingsessies sal via Microsoft (MS) Teams op 20, 21 en 22 September 2021 vir al agt distrikte plaasvind (**kyk asseblief aangehegte Bylae B**).
4. Een persoonlike Smartlock- en opsieneropleidingsessie sal by die Hoërskool Settlers op 13 Oktober 2021 gereël word vir eksamensentrums wat nuut is of vir die eerste keer gebruik word.

5. Volgens COVID-19-protokolle verhoog openbare byeenkomste en sosiale geleenthede die risiko vir die verspreiding van COVID-19 aansienlik. Dus sal die NSS-/SS-opsieneropleiding vir 2021 via MS Teams plaasvind. Hierdie virtuele opleiding sal deur amptenare van die Hoofdirekoraat: Assessering en Eksamens (Hoofkantoor) waargeneem word. Die opleiding is van uiterste belang sodat daar verseker kan word dat alle prinsipale/sentrumbestuurders, hoofopsieners en senior opsieners van alle eksamensentrums, behoorlike opleiding ontvang. Weens die COVID-19-pandemie **moet** bykomende prosedures vir die afneem en administrasie van die eksamen ingesluit word om die veiligheid van alle kandidate en rolspelers te verseker.
6. Dit is **verplichtend** dat die volgende afgevaardigdes wat betrokke is by die afneem, administrasie en bestuur van 2021/22 se NSS-, SS- en VOO Vlak 4-eksamens die MS Teams-opleidingsessies bywoon:
 - Prinsipale/sentrumbestuurders (**hoofopsieners**)
 - Twee senior bestuurspanlede (SBS-lede)
 - Senior opsieners
 - Distriksamptenare wat betrokke is by die afneem, administrasie en bestuur van die NSS-, SS- en VOO Vlak 4- eksamens in 2021/22.
7. Prinsipale/sentrumbestuurders en hulle SBS's sal van alle opleidingsmateriaal voorsien word en dit **moet gebruik word om** die opleiding en inligting wat gedurende die amptelike gereelde provinsiale opleidingsessies gedeel is, aan ander opsieners **oor te dra**. Dit sal die standaardisering van die inligting wat gedeel word, verseker.
8. Die bekendmaking van nuwe prosedures vir die algehele bestuur en afneem van die hele eksamenproses wat in ooreenstemming met COVID-19-protokolle is, noodsaak die bywoning van hierdie opleiding vir alle partye.
9. Die rooster wat die opleidingsdatums en tye per kring en distrik weergee, is as **Bylae B** aangeheg.
10. U begrip en samewerking sal hoog waardeer word.
11. Bring asseblief die inhoud van hierdie minuut onder die aandag van alle betrokkenes.

GETEKEN: H MAHOMED

WAARNEMENDE ADJUNK-DIREKTEUR-GENERAAL: KURRIKULUM- EN ASSESSERINGSBESTUUR

DATUM: 2021-08-10